

BOSNA I HERCEGOVINA  
FEDERACIJA BOSNE I HERCEGOVINE  
PARLAMENT FEDERACIJE  
DOM NARODA

Broj: 02-02-7-2212/16  
Sarajevo, 2.2.2017. godine

**Z A P I S N I K**

**16. SJEDNICE DOMA NARODA PARLAMENTA FEDERACIJE BOSNE I  
HERCEGOVINE, održane 12. i 26. januara i 2. februara 2017. godine**

Sjednica je počela u 12:10.

Sjednicom je predsjedavala Lidija Bradara, predsjedavajuća Doma naroda Parlamenta Federacije BiH.

Na početku sjednice, predsjedavajuća je čestitala Novu godinu i pravoslavni Božić, te pozdravila prisutne delegate, potpredsjednika Federacije, Milana Dunovića, ministre, predstavnike medija, međunarodnih organizacija, predstavnike Saveza samostalnih sindikata Bosne i Hercegovine, udruženja i goste.

Izostanak sa sjednice opravdali su Segmedina Srna Bajramović, Amor Mašović, Đuro Delić, Tomislav Mandić, Stipe Barun i Aner Žuljević.

Na osnovu evidencije Stručne službe, predsjedavajuća je konstatovala da sjednici prisustvuju 43 delegata, što čini većinu, pa Dom naroda može raditi i punovažno odlučivati.

Predsjedavajuća je, zatim, stavila na glasanje zapisnike 8., 9., 10. i 11. vanredne i 14. i 15. redovne sjednice Doma naroda i konstatovala sljedeće:

- Dom naroda Parlamenta Federacije BiH je, bez primjedbi, sa 40 glasova za i tri uzdržana glasa, usvojio Zapisnik 8. vanredne sjednice Doma naroda Parlamenta Federacije Bosne i Hercegovine održane 18. oktobra 2016. godine;
- Dom naroda Parlamenta Federacije BiH je, bez primjedbi, sa 39 glasova za, tri uzdržana i jednim glasom protiv, usvojio Zapisnik 9. vanredne sjednice Doma naroda Parlamenta Federacije Bosne i Hercegovine održane 2. decembra 2016. godine;
- Dom naroda Parlamenta Federacije BiH je, bez primjedbi, sa 40 glasova za i tri uzdržana glasa, usvojio Zapisnik 10. vanredne sjednice Doma naroda Parlamenta Federacije Bosne i Hercegovine, održane 15. decembra 2016. godine;
- Dom naroda Parlamenta Federacije BiH je, bez primjedbi, sa 41 za i jednim uzdržanim glasom, usvojio Zapisnik 11. vanredne sjednice Doma

naroda Parlamenta Federacije Bosne i Hercegovine održane 15. decembra 2016. godine;

- Dom naroda Parlamenta Federacije BiH je, bez primjedbi, jednoglasno, sa 41 glasom za, usvojio Zapisnik 14. sjednice Doma naroda Parlamenta Federacije Bosne i Hercegovine, održane 23. juna, 7. septembra i 8. decembra 2016. godine;
- Dom naroda Parlamenta Federacije BiH je, bez primjedbi, sa 41 za i jednim uzdržanim glasom, usvojio Zapisnik 15. sjednice Doma naroda Parlamenta Federacije Bosne i Hercegovine, održane 15. septembra i 8. i 15. decembra 2016. godine.

### **Delegatska pitanja i inicijative**

**Drago Puzigaća** je postavio pitanje federalnom ministru za pitanja raseljenih i izbjeglih osoba u vezi kriterija za dodjelu poljoprivrednih mašina povratnicima. Zatražio je pisani odgovor.

**Zdravko Bešlić** je postavio pitanje i pokrenuo inicijativu.

Inicijativa je upućena Federalnom ministarstvu pravde u vezi izmjena i dopuna Zakona o sudovima u Federaciji BiH.

Postavio je pitanje Vladi Federacije, odnosno Federalnom ministarstvu finansija - Kada će u parlamentarnu proceduru biti dostavljen Zakon o pripadnosti javnih prihoda u Federaciji BiH?

**Edin Forto** je postavio pitanje Federalnom ministarstvu zdravstva u vezi nedostatka lijekova za najteža oboljenja i zatražio provođenje istrage i utvrđivanje odgovornosti za takvo stanje.

**Mirko Batinić** je pokrenuo inicijativu kojom je zatražio izmjenu i dopunu Zakona o ograničenoj upotrebi duhanskih prerađevina.

**Sanel Mušović** je postavio pitanje i pokrenuo inicijativu.

Postavio je pitanje menadžmentu Kazneno - popravnog zavoda Sarajevo u vezi proširenja i dogradnje smještajnih kapaciteta i ostalih prostorija za pojačani nadzor u Odjeljenju Ustikolina, koje djeluje pri Kazneno - popravnom zavodu Sarajevo. Upitao je da li su realizovane preporuke Nezavisne komisije Parlamentarne skupštine BiH za praćenje stanja i uslovima boravka u kazneno - popravnim zavodima.

Pokrenuo je Inicijativu da Federalno ministarstvo pravde izvrši potrebne aktivnosti za poboljšanje uslova u Odjeljenju Ustikolina.

**Lejla Imamović** je postavila dva pitanja i zatražila je pisani odgovor.

Postavila je pitanje premijeru Federacije u vezi Projekta izgradnje toplovoda Kakanj - Sarajevo.

Drugo pitanje je postavila Federalnom ministarstvu zdravstva u vezi analize utjecaja vakcina na djecu i upotrebi tri puta veće količine žive u vakcinama.

**Anes Osmanović** je postavio dva pitanja i pokrenuo inicijativu.

Pitanja je postavio Federalnom ministarstvu prometa i komunikacija vezano za izgradnju kružnog toka na magistralnoj cesti M14 u centru Odžaka.

Drugo pitanje se odnosi na izgradnju velikog kružnog toka iz pravca Modriče na ulazu u Odžak.

Pokrenuo je inicijativu za osiguranje sredstava za izgradnju kružnog toka na ulazu u Odžak.

**Osman Ćatić**, u ime Kluba delegata bošnjačkog naroda, postavio je pitanje predsjedniku i potpredsjednicima Federacije BiH, a u vezi imenovanja sudije Ustavnog suda Federacije BiH iz reda bošnjačkog naroda na osnovu konkursne procedure završene prije devet mjeseci. Zatražio je pisani odgovor.

**Željko Mirković** je, u ime poljoprivrednika iz Unsko-sanskog kantona, postavio pitanje Federalnom ministarstvu poljoprivrede, vodoprivrede i šumarstva u vezi isplate poticaja za mlijeko za 2014. godinu, duga za silažni kukuruz za 2016. godinu i duga za rasplodne junice. Zatražio je da mu se dostavi pregled neisplaćenih poticaja po kategorijama i po kantonima u pisanoj formi.

**Damir Jukić** je postavio pitanje Visokom sudskom i tužilačkom vijeću BiH u vezi nacionalnog sastava sudija Općinskog suda u Žepču. Zatražio je odgovor u pisanoj formi.

**Tomislav Martinović** je postavio pitanje Operateru za obnovljive izvore energije u vezi diskriminacije proizvođača električne energije iz mikropostrojenja. Pitao je kada će biti uvedeni u sistem obaveznog otkupa električne energije po garantiranim cijenama u skladu sa članom 27. Zakona o obnovljivim izvorima energije i efikasne kogeneracije.

**Lidija Bradara** je postavila pitanje i pokrenula inicijativu.

Pokrenula je inicijativu Federalnom ministarstvu energije, rudarstva i industrije za usklađivanje Zakona o cestama Federacije i Zakona o električnoj energiji u Federaciji BiH.

Postavila je pitanje Poreznoj upravi Federacije u vezi nalaza i inspekcijskih nadzora ove Uprave po općinama i zatražila u pisanoj formi dostavu pregleda po općinama u Federaciji BiH.

Nakon postavljenih pitanja i pokrenutih inicijativa delegati su diskutovali o dnevnom redu.

Slaviša Šućur, predsjednik Kluba delegata srpskog naroda, predložio je da se u dnevni red današnje sjednice uvrsti Prijedlog zaključaka koje se odnose na proces privatizacije u Federaciji BiH.

Nakon konsultacija članova Kolegija odlučeno je da se ovaj prijedlog uvrsti u dnevni red 17. sjednice, zakazane za 26.1. 2017. godine, kao tačka 1.

Predsjedavajuća je, zatim, obavijestila delegate da je Ustavni sud Federacije Bosne i Hercegovine, 25.10.2016. godine donio Presudu, broj: 8/16 kojom je utvrdio da je članom 72a. Zakona o matičnim knjigama („Službene novine Federacije BiH“, br. 37/12 i 80/14) povrijeđeno pravo na lokalnu samoupravu općine Maglaj. Presuda je objavljena u „Službenim novinama Federacije BiH“, broj 96/16 od 7.12.2016. godine i dostavljena Parlamentu Federacije Bosne i Hercegovine.

Također, Ustavni sud Federacije Bosne i Hercegovina, 30.11.2016. godine, donio je Presudu, broj 9/16 kojom je utvrdio da je članom 114. Zakona o zaštiti požara i vatrogastvu („Službene novine Federacije BiH“, broj 64/09) i članom 106. Zakona o zaštiti od požara i vatrogastvu („Službene novine Zeničko-dobojskog kantona“, broj 5/11), povrijeđeno pravo na lokalnu samoupravu općine Maglaj. Presuda je dostavljena Parlamentu Federacije Bosne i Hercegovine.

Također, Ustavni sud Federacije Bosne i Hercegovine je 2.12.2015. godine donio Presudu, broj 15/10, kojom je utvrdio da član 6. stav 1., u dijelu koji glasi ” kao i osoba koja ispunjava prepostavke iz stava 2. ovoga člana” i stav 2. istog člana te čl. 27. i 73. Zakona o notarima („Službene novine Federacije Bosne i Hercegovine“, broj: 45/02), nisu u skladu sa Ustavom Federacije Bosne i Hercegovine.

Također, Ustavni sud Federacije Bosne i Hercegovine je 9.3.2016. godine donio Presudu, broj 75/14, kojom je utvrdio da član 56. Zakona o Javnom servisu Radio-televizije Federacije Bosne i Hercegovine („Službene novine Federacije Bosne i Hercegovine“, broj 48/08), nije u saglasnosti sa Ustavom Federacije Bosne i Hercegovine.

U skladu sa članom 250. Poslovnika o radu Doma naroda Parlamenta Federacije Bosne i Hercegovina, presude su upućene delegatima i nadležnim radnim tijelima.

Na osnovu stava 2. ovoga člana, presuda se uvrštava u prijedlog dnevnog reda prve naredne sjednice Doma.

Predsjedavajuća je predložila da se kao tačka 1. dnevnog reda ove sjednice uvrsti:

- a) Prijedlog zaključka u vezi Presude, broj: 8/16 od 25.10.2016. godine,
- b) Prijedlog zaključka u vezi Presude, broj: 9/16 od 30.11.2016. godine,
- c) ) Prijedlog zaključka u vezi Presude, broj:15/10 od 02.12.2015. godine,
- d) ) Prijedlog zaključka u vezi Presude, broj:75/14 od 09.03.2016. godine,

Na osnovu rezultata glasanja, predsjedavajuća je konstatovala da je Dom naroda Parlamenta Federacije BiH, sa 39 glasova za, prihvatio da se u dnevni red 16. sjednice kao tačka 1. uvrsti:

- a) Prijedlog zaključka u vezi Presude, broj: U-8/16 od 25.10.2016. godine,
- b) Prijedlog zaključka u vezi Presude, broj:U- 9/16 od 30.11.2016. godine.
- c) Prijedlog zaključka u vezi Presude, broj:U-15/10 od 2.12.2015. godine,
- d) Prijedlog zaključka u vezi Presude, broj: U-75/14 od 9.3.2016. godine,

Predsjedavajuća je, također, podsjetila delegate da je poslanik u Predstavničkom domu, Ismet Osmanović, dostavio Prijedlog zakona o izmjenama Zakona o Komisiji za vrijednosne papire s prijedlogom da se razmatra po hitnom postupku.

Na osnovu rezultata glasanja, predsjedavajuća je konstatovala da je Dom naroda Parlamenta Federacije Bosne i Hercegovine, sa 31 glasom za, jednim glasom protiv i šest uzdržanih glasova, prihvatio prijedlog da se Prijedlog zakona o izmjenama Zakona o Komisiji za vrijednosne papire razmatra po hitnom postupku kao 1. tačka dnevnog reda.

Također, Vlada Federacije dostavila je Prijedlog zakona o izmjeni Zakona o sistemu poboljšanja kvalitete, sigurnosti i o akreditaciji u zdravstvu s prijedlogom da se razmatra po skraćenom postupku.

Na osnovu rezultata glasanja, predsjedavajuća je konstatovala da je Dom naroda Parlamenta Federacije Bosne i Hercegovine, sa 32 glasa za, jednim protiv i sedam uzdržanih, prihvatio da se Prijedlog zakona o izmjeni Zakona o sistemu poboljšanja kvalitete, sigurnosti i o akreditaciji u zdravstvu, razmatra po skraćenom postupku.

Budući da više nije bilo prijedloga za izmjenu i dopunu dnevnog reda, predsjedavajuća je konstatovala da je Dom naroda Parlamenta Federacije BiH, sa 36 glasova za i šest uzdržanih glasova, usvojio sljedeći

## **D N E V N I R E D**

1. a) Prijedlog zaključka u vezi Presude, broj: 8/16 od 25.10.2016.,
- b) Prijedlog zaključka u vezi Presude, broj: 9/16 od 30.11.2016.,
- c) Prijedlog zaključka u vezi Presude, broj:15/10 od 02.12.2015.,
- d) Prijedlog zaključka u vezi Presude, broj:75/14 od 09.03.2016.

2. Prijedlog zakona o izmjenama Zakona o Komisiji za vrijednosne papire (predlagač: Ismet Osmanović, poslanik u Predstavničkom domu Parlamenta Federacije Bosne i Hercegovine) - hitni postupak
  3. Prijedlog zakona o izmjeni Zakona o sistemu poboljšanja kvalitete, sigurnosti i o akreditaciji u zdravstvu - skraćeni postupak,
  4. Prijedlog zakona o penzijskom i invalidskom osiguranju,
  5. Prijedlog zakona o energijskoj efikasnosti u Federaciji Bosne i Hercegovine,
  6. Nacrt zakona o turizmu Federacije Bosne i Hercegovine,
  7. Nacrt zakona o sigurnosti i zaštiti na radu,
  8. Nacrt zakona o boravišnoj taksi Federacije Bosne i Hercegovine,
  9. Prijedlog odluke o davanju saglasnosti na Plan rada i razvoja Zavoda za transfuzijsku medicinu Federacije BiH za 2016. godinu, Plan rada i razvoja Zavoda za transfuzijsku medicinu Federacije BiH za 2016. godinu sa Odlukom o usvajanju Plana od Upravnog odbora Zavoda, broj: 01-1-390/16 od 18.1.2016. godine, Zaključak Vlade Federacije,
  10. Izvještaj o izvršenju Finansijskog plana Zavoda zdravstvenog osiguranja i reosiguranja Federacije BiH za 2015. godinu (konsolidovani);  
Izvještaj o izvršenju Finansijskog plana Federalnog fonda solidarnosti za 2015. godinu (Anex I);  
Izvještaj o izvršenju Finansijskog plana Stručne službe Zavoda zdravstvenog osiguranja i reosiguranja Federacije BiH za 2015. godinu (Anex II),
  11. Izbor i imenovanja:
    - Prijedlog Odluke o imenovanju Upravnog odbora Agencije za bankarstvo Federacije Bosne i Hercegovine,
    - Rješenje o utvrđivanju Liste prijedloga za imenovanje članova Regulatorne komisije za energiju u Federaciji Bosne i Hercegovine.
1.
    - a) **Prijedlog zaključka u vezi Presude, broj: 8/16 od 25.10.2016. godine,**
    - b) **Prijedlog zaključka u vezi Presude, broj: 9/16 od 30.11.2016. godine,**

**c) Prijedlog zaključka u vezi Presude, broj: 15/10 od 02.12.2015. godine,**

**d) Prijedlog zaključka u vezi Presude, broj: 75/14 od 09.03.2016. godine**

**a) Prijedlog zaključka u vezi Presude, broj: 8/16 od 25.10.2016. godine**

Predsjedavajuća je podsjetila delegate da je Ustavni sud Federacije Bosne i Hercegovine, 25.10.2016. godine, donio Presudu, broj: 8/16, kojom je utvrdio da je članom 72a. Zakona o matičnim knjigama („Službene novine Federacije BiH“, br. 37/12 i 80/14) povrijeđeno pravo na lokalnu samoupravu općine Maglaj. Presuda je objavljena u „Službenim novinama Federacije BiH“, broj 96/16 od 7.12.2016. godine i dostavljena Parlamentu Federacije Bosne i Hercegovine, te u skladu sa članom 250. Poslovnika o radu Doma naroda Parlamenta Federacije Bosne i Hercegovina, upućena delegatima i nadležnim radnim tijelima.

Nije bilo rasprave.

Na osnovu rezultata glasanja, predsjedavajuća je konstatovala da je Dom naroda Parlamenta Federacije Bosne i Hercegovina, jednoglasno, sa 42 glasa za, usvojio sljedeći

**ZAKLJUČAK**

Zadužuje se premijer Federacije Bosne i Hercegovine da, u skladu sa obavezama iz Ustava Federacije Bosne i Hercegovine, osigura izvršenje presude Ustavnog suda Federacije Bosne i Hercegovine, broj: U-8/16 od 25.10.2016. godine.

**b) Prijedlog zaključka u vezi Presude, broj: 9/16 od 30.11.2016. godine,**

Ustavni sud Federacije Bosne i Hercegovine je 30.11.2016. godine donio Presudu, broj: 9/16, kojom je utvrdio da je članom 114. Zakona o zaštiti od požara i vatrogastvu („Službene novine Federacije BiH“, broj 64/09) i članom 106. Zakona o zaštiti od požara i vatrogastvu („Službene novine Zeničko-dobojskog kantona“, broj 5/11), povrijeđeno pravo na lokanu samoupravu općine Maglaj.

Presuda je dostavljena Parlamentu Federacije Bosne i Hercegovine.

U skladu sa članom 250. Poslovnika o radu Doma naroda Parlamenta Federacije Bosne i Hercegovina, presuda je upućena delegatima i nadležnim radnim tijelima.

Nije bilo rasprave.

Na osnovu rezultata glasanja predsjedavajuća je konstatovala da je Dom naroda Parlamenta Federacije Bosne i Hercegovina, jednoglasno, sa 39 glasova za usvojio sljedeći

### **ZAKLJUČAK**

Zadužuje se premijer Federacije Bosne i Hercegovine da, u skladu sa obavezama iz Ustava Federacije Bosne i Hercegovine, osigura izvršenje presude Ustavnog suda Federacije Bosne i Hercegovine broj: U-9/16 od 30.11.2016. godine.

#### **c) Prijedlog zaključka u vezi Presude, broj:15/10 od 02.12.2015. godine**

Ustavni sud Federacije Bosne i Hercegovine je 02.12.2015.godine donio Presudu, broj 15/10, kojom je utvrdio da član 6. stav 1., u djelu koji glasi "kao i osoba koja ispunjava prepostavke iz stava 2. ovoga člana" i stav 2. istog člana te čl. 27. i 73. Zakona o notarima ("Službene novine Federacije Bosne i Hercegovine", broj 45/02), nisu u skladu sa Ustavom Federacije Bosne i Hercegovina.

Presuda je dostavljena Parlamentu Federacije Bosne i Hercegovine.

U skladu sa članom 250. Poslovnika o radu Doma naroda Parlamenta Federacije Bosne i Hercegovina, presuda je upućena delegatima i nadležnim radnim tijelima Doma naroda.

U raspravi je učestvovao Slaviša Šućur, predsjednik Kluba delegata srpskog naroda.

Na osnovu rezultata glasanja, predsjedavajuća je konstatovala da je Dom naroda Parlamenta Federacije Bosne i Hercegovina, jednoglasno, sa 40 glasova za, usvojio sljedeći

### **ZAKLJUČAK**

Zadužuje se premijer Federacije Bosne i Hercegovine da, u skladu sa obavezama iz Ustava Federacije Bosne i Hercegovine, osigura izvršenje presude Ustavnog suda Federacije Bosne i Hercegovine broj: U-15/10 od 2.12.2015. godine.

#### **d) Prijedlog zaključka u vezi Presude, broj:75/14 od 09.03.2016. godine**

Ustavni sud Federacije Bosne i Hercegovine je 09.03.2016.godine donio Presudu, broj 75/14, kojom je utvrdio da član 56. Zakona o Javnom servisu Radio-televizije Federacije Bosne i Hercegovine ("Službene novine Federacije Bosne i Hercegovine", broj 48/08), nije u saglasnosti sa Ustavom Federacije Bosne i Hercegovine.



Presuda je dostavljena Parlamentu Federacije Bosne i Hercegovine te, u skladu sa članom 250. Poslovnika o radu Doma naroda Parlamenta Federacije Bosne i Hercegovina, upućena delegatima i nadležnim radnim tijelima.

U raspravi nije niko učestvovao.

Na osnovu rezultata glasanja predsjedavajuća je konstatovala da je Dom naroda Parlamenta Federacije Bosne i Hercegovina, jednoglasno, sa 39 glasova za usvojio sljedeći

## **ZAKLJUČAK**

Zadužuje se premijer Federacije Bosne i Hercegovine da, u skladu sa obavezama iz Ustava Federacije Bosne i Hercegovine, osigura izvršenje presude Ustavnog suda Federacije Bosne i Hercegovine, broj: U-75/14 od 9.3.2016. godine.

### **2. Prijedlog zakona o izmjenama Zakona o Komisiji za vrijednosne papire (predlagač: Ismet Osmanović, poslanik u Predstavničkom domu Parlamenta Federacije BiH) - hitni postupak**

Prijedlog zakona o izmjenama Zakona o Komisiji za vrijednosne papire je utvrdio i, u parlamentarnu proceduru, dostavio Ismet Osmanović, poslanik u Predstavničkom domu.

Predstavnički dom Parlamenta Federacije Bosne i Hercegovine je na 16. vanrednoj sjednici, 29.11.2016. godine, usvojio Prijedlog zakona o izmjenama Zakona o Komisiji za vrijednosne papire u tekstu kako ga je predložio predlagač.

Predsjedavajuća je napomenula da Vlada Federacije podržava donošenje ovog zakona.

Prijedlog zakona su razmatrala nadležna radna tijela i dostavila svoje izvještaje.

U raspravi nije niko učestvovao.

Na osnovu rezultata glasanja, predsjedavajuća je konstatovala da je Dom naroda Parlamenta Federacije Bosne i Hercegovina, sa 32 glasa za i osam uzdržanih, usvojio Prijedlog zakona o izmjenama Zakona o Komisiji za vrijednosne papire.

### **3. Prijedlog zakona o izmjeni Zakona o sistemu poboljšanja kvalitete, sigurnosti i o akreditaciji u zdravstvu - skraćeni postupak**

Prijedlog zakona utvrdila je Vlada Federacije.

Predstavnički dom Parlamenta Federacije Bosne i Hercegovine je na 16. vanrednoj sjednici, 29.11.2016. godine, usvojio Prijedlog zakona o izmjeni Zakona o sistemu poboljšanja kvalitete, sigurnosti i o akreditaciji u zdravstvu u tekstu kako ga je predložila Vlada Federacije.

Prijedlog zakona su razmatrala nadležna radna tijela i dostavila svoje izvještaje.

Nije bilo potrebe da predstavnik predlagača obrazloži prijedlog zakona.

U raspravi nije niko učestvovao.

Na osnovu rezultata glasanja, predsjedavajuća je konstatovala da je Dom naroda Parlamenta Federacije Bosne i Hercegovina, sa 34 glasa za, jednim protiv i tri uzdržana, usvojio Prijedlog zakona o izmjeni Zakona o sistemu poboljšanja kvalitete, sigurnosti i o akreditaciji u zdravstvu.

#### **4. Prijedlog zakona o penzijskom i invalidskom osiguranju**

Prijedlog zakona utvrdila je Vlada Federacije i naknadno dostavila i šest amandmana.

Predstavnički dom Parlamenta Federacije Bosne i Hercegovine je na 13. sjednici, 13.12.2016. godine, usvojio Prijedlog zakona o penzijskom i invalidskom osiguranju sa šest amandmana Vlade Federacije koji su postali sastavni dio Prijedloga zakona.

Na Prijedlog zakona o penzijskom i invalidskom osiguranju amandmane su podnijeli: Aner Žuljević, 78 amandmana, Segmedina Srna Bajramović, 12 amandmana, Edim Fejzić, dva amandmana, Skupština Srednjobosanskog kantona, 10 amandmana, Klub delegata hrvatskog naroda, 17 amandmana i Osman Ćatić jedan amandman.

Vlada Federacije je dostavila izjašnjenje kojim ne prihvata navedene amandmane.

Prijedlog zakona su razmatrala nadležna radna tijela i dostavila svoje izvještaje.

Prijedlog zakona o penzijskom i invalidskom osiguranju obrazložio je Vesko Drljača, federalni ministar rada i socijalne politike.

Izvještaj Komisije za ljudska prava i slobode obrazložio je Edim Fejzić, predsjednik Komisije.

U raspravi su učestvovali: Predrag Kojović, Slaviša Šućur, Mirvet Beganović, Željko Mirković, Tomislav Martinović, predsjednik Kluba delegata hrvatskog naroda, Muhamed Kozadra, Admir Hadžipašić, Osman Ćatić, predsjednik Kluba delegata bošnjačkog naroda, Lidija Bradara, Vesko Drljača, Kenan Spahić, pomoćnik federalnog ministra rada i socijalne politike i Željko Josić.

Tomislav Martinović, predsjednik Kluba delegata hrvatskog naroda je zatražio pauzu.

Nakon pauze, u ime Kolegija Doma naroda, sekretar Doma naroda obavijestio je delegate da se sjednica prekida.

Sjednica je prekinuta u 17:26.

### **NASTAVAK SJEDNICE ODRŽANE 26. JANUARA 2017. GODINE**

Sjednica je počela sa radom u 12 sati i 50 minuta.

Sjednicom je predsjedavala Lidija Bradara, predsjedavajuća Doma naroda Parlamenta Federacije BiH.

Na početku sjednice predsjedavajuća je pozdravila prisutne delegate, potpredsjednicu Federacije Meliku Mahmutbegović, predsjednika Vlade Fadila Novalića, zamjenika premijera Veska Drljaču, ministre, predstavnike međunarodnih organizacija, medija i goste.

Izostanak sa sjednice najavili su Đuro Delić, Mirko Batinić, Slaviša Šućur, Draženka Subašić, Slaviša Mihajlović i Slađan Ilić.

Na osnovu evidencije Stručne službe, predsjedavajuća je konstatovala da sjednici prisustvuje 40 delegata, što čini većinu pa Dom naroda može raditi i punovažno odlučivati.

Predsjedavajuća je obavijestila delegate da će im biti dostavljen DVD sa Prijedlogom Prostornog plana područja posebnih obilježja od značaja za Federaciju Bosne i Hercegovine „Autocesta na Koridoru Vc“ za period od 2008. do 2028. godine, sa popratnim materijalima, predviđen za razmatranje na 17. sjednici.

Predsjedavajuća je podsjetila delegate na preostale tačke dnevnog reda:

4. Prijedlog zakona o penzijskom i invalidskom osiguranju,
5. Prijedlog zakona o energijskoj efikasnosti u Federaciji Bosne i Hercegovine,
6. Nacrt zakona o turizmu Federacije Bosne i Hercegovine,
7. Nacrt zakona o sigurnosti i zaštiti na radu,

8. Nacrt zakona o boravišnoj taksi Federacije Bosne i Hercegovine,
9. Prijedlog odluke o davanju saglasnosti na Plan rada i razvoja Zavoda za transfuzijsku medicinu Federacije BiH za 2016. godinu, Plan rada i razvoja Zavoda za transfuzijsku medicinu Federacije BiH za 2016. godinu sa Odlukom o usvajanju Plana od Upravnog odbora Zavoda, Zaključak Vlade Federacije,
10. Izvještaj o izvršenju Finansijskog plana Zavoda zdravstvenog osiguranja i reosiguranja Federacije BiH za 2015. godinu (konsolidovani);  
Izvještaj o izvršenju Finansijskog plana Federalnog fonda solidarnosti za 2015. godinu (Anex I);  
Izvještaj o izvršenju Finansijskog plana Stručne službe Zavoda zdravstvenog osiguranja i reosiguranja Federacije BiH za 2015. godinu (Anex II),
11. Izbor i imenovanja
  - Prijedlog Odluke o imenovanju Upravnog odbora Agencije za bankarstvo Federacije Bosne i Hercegovine,
  - Rješenje o utvrđivanju Liste prijedloga za imenovanje članova Regulatorne komisije za energiju u Federaciji Bosne i Hercegovine.

#### **4. Prijedlog zakona o penzijskom i invalidskom osiguranju**

Predsjedavajuća je podsjetila delegate da je predsjednik Kluba delegata hrvatskog naroda zatražio pauzu nakon koje je prekinuta sjednica, ta ga pozvala da obrazloži razloge za pauzu.

Tomislav Martinovic je izjavio da je pauza tražena radi dodatnih konsultacija nakon čega je nastavljena rasprava u kojoj su učestvovali: Aner Žuljević, Vesko Drljača, federalni ministar rada i socijalne politike i predstavnik udruženja penzionera u Federaciji BiH.

Nakon rasprave, predsjedavajuća je obavijestila delegate da je Kolegij Doma naroda predložio da se obavi rasprava o svim tačkama dnevnog reda, a izjašnjava se na kraju sjednice zato što se očekivalo da će se zasjedanju pridružiti još delegata. Ovaj prijedlog je prihvaćen.

#### **5. Prijedlog zakona o energijskoj efikasnosti u Federaciji Bosne i Hercegovine**

Prijedlog zakona utvrdila je Vlada Federacije. Predstavnički dom je u nastavku 32. sjednice, 10.9.2014. godine, usvojio Prijedlog zakona o energijskoj efikasnosti u Federaciji Bosne i Hercegovine u tekstu kako ga je predložila Vlada Federacije.

Na prijedlog zakona amandmane su podnijeli: Dario Pušić, Klub delegata hrvatskog naroda, Ivo Tadić i Mirko Batinić.

Dario Pušić podnio je 12. amandmana

Klub delegata hrvatskog naroda podnio je 12. amandmana.

Ivo Tadić podnio je 13. amandmana.

Mirko Batinić podnio je dva amandmana.

Amandmani su dostavljeni Vladi Federacije na izjašnjenje.

Vlada Federacije dostavila je izjašnjenje kojim prihvata Amandman I Mirka Batinića dok ostale amandmane ne prihvata.

Prijedlog zakona razmatrala su nadležna radna tijela i dostavila svoje izvještaje.

Prijedlog zakona obrazložila je Amira Pintul, pomoćnica federalnog ministra energije, rudarstva i industrije.

U raspravi su učestvovali: Rasim Kantarević, Dario Pušić, Mirvet Beganović, Ivo Tadić, Mustafa Kurtović, Tomislav Martinović, predsjednik Kluba delegata hrvatskog naroda, Osman Ćatić, predsjednik Kluba delegata bošnjačkog naroda.

## **6. Nacrt zakona o turizmu Federacije Bosne i Hercegovine**

Nacrt zakona utvrdila je Vlada Federacije.

Predstavnički dom je na 14. sjednici održanoj 14.12.2016. godine razmatrao Nacrt zakona o turizmu Federacije Bosne i Hercegovine i Zaključkom ga prihvatio. Tom prilikom Zakon je stavljen na javnu raspravu.

Nacrt zakona razmatrala su nadležna radna tijela i dostavila svoje izvještaje.

Nacrt zakona obrazložila je federalna ministrica okoliša i turizma, Edita Đapo.

U raspravi su učestvovali: Osman Ćatić, predsjednik Kluba delegata bošnjačkog naroda, Ismet Sarajlić, Mirvet Beganović, Refik Poparić, Tomislav Martinović, predsjednik Kluba delegata hrvatskog naroda, Željko Mirković, Aner Žuljević i Sanel Mušović.

## **7. Nacrt zakona o sigurnosti i zaštiti na radu**

Nacrt zakona utvrdila je Vlada Federacije.

Predstavnički dom je na 14. sjednici održanoj 14.12.2016. godine razmatrao Nacrt zakona o sigurnosti i zaštiti na radu i Zaključkom ga prihvatio.

Nacrt zakona razmatrala su nadležna radna tijela i dostavila svoje izvještaje.

Nacrt zakona je obrazložio Vesko Drljača, federalni ministar rada i socijalne politike.

U raspravi je učestvovao Mirvet Beganović.

## **8. Nacrt zakona o boravišnoj taksi Federacije Bosne i Hercegovine**

Nacrt zakona utvrdila je Vlada Federacije.

Predstavnički dom je na 17. sjednici, 25.1.2017. godine, razmatrao Nacrt zakona o boravišnoj taksi Federacije Bosne i Hercegovine i Zaključkom ga prihvatio. Tom prilikom ovaj nacrt je stavljen na javnu raspravu u trajanju od 60 dana.

Nacrt zakona razmatrala su nadležna radna tijela i dostavila svoje izvještaje.

Nacrt zakona obrazložila je federalna ministrica okoliša i turizma, Edita Đapo.

U raspravi su učestvovali Dražen Matišić, Aner Žuljević, Mirvet Beganović i Edita Đapo.

## **9. Prijedlog odluke o davanju saglasnosti na Plan rada i razvoja Zavoda za transfuzijsku medicinu Federacije BiH za 2016. godinu**

Vlada Federacije dostavila je Prijedlog odluke Parlamentu Federacije radi razmatranja i davanja saglasnosti na Plan rada i razvoja Zavoda.

Uz Prijedlog odluke dostavljeni su Plan i Zaključak Vlade Federacije.

Predstavnički dom je u nastavku 10. sjednice, 30.11.2016. godine, donio Odluku o davanju saglasnosti na Plan rada i razvoja Zavoda za transfuzijsku medicinu Federacije Bosne i Hercegovine za 2016. godinu.

Prijedlog odluke razmatrala su nadležna radna tijela i dostavila svoje izvještaje.

U raspravi nije niko učestvovao.

## **10. Izvještaj o izvršenju Finansijskog plana Zavoda zdravstvenog osiguranja i reosiguranja Federacije BiH za 2015. godinu (konsolidovani); Izvještaj o izvršenju Finansijskog plana Federalnog fonda solidarnosti za 2015. godinu (Anex I);**

## **Izvještaj o izvršenju Finansijskog plana Stručne službe Zavoda zdravstvenog osiguranja i reosiguranja Federacije BiH za 2015. godinu (Anex II)**

Vlada Federacije je dostavila Parlamentu Federacije Prijedlog odluke o davanju saglasnosti na ove izvještaje.

Predstavnički dom je u nastavku 12. sjednice održane 8.11.2016. godine donio Odluku o davanju saglasnosti na ove izvještaje.

Prijedlog odluke i izvještaje razmatrala su nadležna radna tijela i dostavila svoje izvještaje.

U raspravi nije niko učestvovao.

#### **11. Izbor i imenovanja:**

- **Prijedlog Odluke o imenovanju Upravnog odbora Agencije za bankarstvo Federacije Bosne i Hercegovine,**
- **Rješenje o utvrđivanju Liste prijedloga za imenovanje članova Regulatorne komisije za energiju u Federaciji Bosne i Hercegovine.**

##### **a) Prijedlog Odluke o imenovanju Upravnog odbora Agencije za bankarstvo Federacije Bosne i Hercegovine**

Na osnovu člana 8. stav 2. Zakona o Agenciji za bankarstvo Federacije Bosne i Hercegovine propisano je da je organ upravljanja Agencijom Upravni odbor Agencije, koji se sastoji od pet članova koje imenuje Parlament Federacije Bosne i Hercegovine, na prijedlog Vlade Federacije Bosne i Hercegovine, na period od pet godina.

Predstavnički dom je na 16. vanrednoj sjednici održanoj 30.11.2016. godine donio Odluku o imenovanju Upravnog odbora Agencije za bankarstvo Federacije Bosne i Hercegovine.

Komisija za izbor i imenovanja razmatrala je ovaj prijedlog i utvrdila Prijedlog odluke o imenovanju Upravnog odbora Agencije za bankarstvo Federacije Bosne i Hercegovine kojim se Ljerka Marić, Meliha Bašić, Samir Bakić, Želimira Raspudić i Velid Efendić, imenuju za članove Upravnog odbora Agancije za bankarstvo Federacije Bosne i Hercegovine.

U raspravi nije niko učestvovao.

##### **b) Rješenje o utvrđivanju Liste prijedloga za imenovanje članova Regulatorne komisije za energiju u Federaciji Bosne i Hercegovine.**

Na osnovu člana 19. stav 3. Zakona o Vladi Federacije Bosne i Hercegovine, Vlada Federacije donijela je, uz prethodnu saglasnost predsjednika i potpredsjednikâ Federacije BiH, Rješenje o utvrđivanju Liste Prijedloga za imenovanje članova Regulatorne komisije za energiju u Federaciji BiH.

Predstavnički dom je na 13. sjednici održanoj 13.12.2016.godine donio Odluku o imenovanju članova Regulatorne komisije za energiju u Federaciji BiH.

Komisija za izbor i imenovanja razmatrala je ovaj prijedlog i utvrdila Prijedlog odluke o imenovanju članova Regulatorne komisije za energiju u Federaciji BiH i to: Jasmina Bešu iz reda bošnjačkog naroda na period od pet godina, Sanelu Pokrajčić iz reda hrvatskog naroda na period od pet godina i Mileta Srdanovića iz reda srpskog naroda na period od pet godina.

U raspravi nije niko učestvovao.

Predsjedavajuća je, zatim, dala pauzu u trajanju od 30 minuta i, nakon pauze, obavijestila delegate da je kvorum na ivici te je zakazala nastavak i 17. sjednicu za 2.2.2017. godine u 11 sati.

Sjednica je prekinuta u 16:05.

### **NASTAVAK SJEDNICE OD 2.2.2017. GODINE**

Sjednica je počela u 13:13.

Sjednicom je predsjedavala Lidija Brada, predsjedavajuća Doma naroda. Na početku sjednice, predsjedavajuća je pozdravila prisutne delegate, predsjednika Federacije, predsjednika Vlade Federacije, zamjenika predsjednika Vlade Federacije, predstavnike međunarodnih organizacija, ministre, predstavnike medija, predstavnike sindikata i sve koji prate sjednicu.

Izostanak sa sjednice najavili su: Đuro Delić, Željko Josić i Amil Buljubašić.

Prema evidenciji stručne službe sjednici je prisustvovalo 48 delegata, što čini većinu pa Dom naroda može raditi i pravovaljano odlučivati.

Predsjedavajuća je podsjetila delegate da je za nastavak sjednice prosto izjašnjavaње o sljedećim tačkama dnevnog reda:

4. Prijedlog zakona o penzijskom i invalidskom osiguranju,
5. Prijedlog zakona o energijskoj efikasnosti u Federaciji Bosne i Hercegovine,
6. Nacrt zakona o turizmu Federacije Bosne i Hercegovine,
7. Nacrt zakona o sigurnosti i zaštiti na radu,
8. Nacrt zakona o boravišnoj taksi Federacije Bosne i Hercegovine,
9. Prijedlog odluke o davanju saglasnosti na Plan rada i razvoja Zavoda za transfuzijsku medicinu Federacije BiH za 2016. godinu, Plan rada i razvoja Zavoda za transfuzijsku medicinu Federacije BiH za 2016. godinu sa Odlukom o usvajanju Plana od Upravnog odbora Zavoda, broj: 01-1-390/16 od 18.1.2016. godine, Zaključak Vlade Federacije,



10. Izvještaj o izvršenju Finansijskog plana Zavoda zdravstvenog osiguranja i reosiguranja Federacije BiH za 2015. godinu (konsolidovani);  
 Izvještaj o izvršenju Finansijskog plana Federalnog fonda solidarnosti za 2015. godinu (Anex I);  
 Izvještaj o izvršenju Finansijskog plana Stručne službe Zavoda zdravstvenog osiguranja i reosiguranja Federacije BiH za 2015. godinu (Anex II),
11. Izbor i imenovanja
- Prijedlog Odluke o imenovanju Upravnog odbora Agencije za bankarstvo Federacije Bosne i Hercegovine,
  - Rješenje o utvrđivanju Liste prijedloga za imenovanje članova Regulatorne komisije za energiju u Federaciji Bosne i Hercegovine.

#### **4. Prijedlog zakona o penzijskom i invalidskom osiguranju**

Predsjedavajuća je podsjetila delegate da su na Prijedlog zakona o penzijskom i invalidskom osiguranju amandmane podnijeli: Aner Žuljević, Segmedina Srna Bajramović, Edim Fejzić, Skupština Srednjobosanskog kantona, Klub delegata hrvatskog naroda, Aner Žuljević i Osman Ćatić. Vlada Federacije je dostavila izjašnjenje kojim ne prihvata podnesene amandmane.

Predsjedavajuća je upitala podnosiocima da li ostaju pri svojim amandmanima.

Aner Žuljević je izjavio da ostaje pri svojim amandmanima te ih je predsjedavajuća stavila na glasanje.

Prvo se glasalo o amandmanu na član 59. Prijedloga zakona o penzijskom i invalidskom osiguranju podnesenog 9. januara 2017. godine.

Na osnovu rezultata glasanja, predsjedavajuća je konstatovala da Dom naroda Parlamenta Federacije Bosne i Hercegovine nije usvojio navedeni amandman, jer su 23 delegata glasala za, četiri su bila protiv, a 18 je bilo uzdržano.

Dom se, zatim, izjašnjavao o amandmanima Anera Žuljevića koji su dostavljeni 14. decembra 2016. godine.

Na osnovu rezultata glasanja, predsjedavajuća je konstatovala da Dom naroda Parlamenta Federacije Bosne i Hercegovine nije usvojio:

- Amandman I - jer su za glasala 23 delegata, osam delegata je bilo protiv, a 17 delegata je bilo uzdržano;
- Amandman II - jer su za glasala 24 delegata, osam delegata je bilo protiv, a 14 delegata je bilo uzdržano;
- Amandman III - jer je za glasalo 25 delegata, sedam delegata je bilo protiv, a 17 delegata je bilo uzdržano;
- Amandman IV - jer su za glasala 23 delegata, devet delegata je bilo protiv, a 13 delegata je bilo uzdržano;

- Amandman V - jer je za glasalo 25 delegata, sedam delegata je bilo protiv, a 13 delegata je bilo uzdržano;
- Amandman VI - jer su za glasala 23 delegata, devet delegata je bilo protiv, a 15 delegata je bilo uzdržano;
- Amandman VII - jer je za glasao 21 delegat, devet delegata je bilo protiv, a 14 delegata je bilo uzdržano;
- Amandman VIII - jer su za glasala 24 delegata, osam delegata je bilo protiv, a 14 delegata je bilo uzdržano;
- Amandman IX - jer je za glasalo 25 delegata, sedam delegata je bilo protiv, a 13 delegata je bilo uzdržano;
- Amandman X - jer su za glasala 22 delegata, devet delegata je bilo protiv, a 13 delegata je bilo uzdržano;
- Amandman XI - jer je za glasalo 20 delegata, 10 delegata je bilo protiv, a 12 delegata je bilo uzdržano;
- Amandman XII - jer su za glasala 23 delegata, 10 delegata je bilo protiv, a 12 delegata je bilo uzdržano;
- Amandman XIII - jer je za glasalo 26 delegata, devet delegata je bilo protiv, a 10 delegata je bilo uzdržano;
- Amandman XIV - jer su za glasala 23 delegata, 10 delegata je bilo protiv, a 10 delegata je bilo uzdržano;
- Amandman XV - jer su za glasala 24 delegata, osam delegata je bilo protiv, a osam delegata je bilo uzdržano;
- Amandman XVI - jer su za glasala 23 delegata, devet delegata je bilo protiv, a 10 delegata je bilo uzdržano;
- Amandman XVII - jer su za glasala 22 delegata, 11 delegata je bilo protiv, a 10 delegata je bilo uzdržano;
- Amandman XVIII - jer su za glasala 22 delegata, sedam delegata je bilo protiv, a 11 delegata je bilo uzdržano;
- Amandman XIX - jer je za glasalo 20 delegata, 11 delegata je bilo protiv, a 13 delegata je bilo uzdržano;
- Amandman XX - jer je za glasalo 20 delegata, 12 delegata je bilo protiv, a 10 delegata je bilo uzdržano.

Aner Žuljević je izjavio da odustaje od daljnjeg izjašnjavanja o amandmanima.

Predsjedavajuća je, zatim, upitala Segmedinu Srna Bajramović da li ostaje pri svojim amandmanima. S obzirom da podnositeljica nije odustala od predloženih amandmana prešlo se na izjašnjavanje.

Na osnovu rezultata glasanja, predsjedavajuća je konstatovala da Dom naroda Parlamenta Federacije Bosne i Hercegovine nije usvojio:

- Amandman I - jer su za glasala 23 delegata, 10 delegata je bilo protiv, a 12 delegata je bilo uzdržano;
- Amandman II - jer su za glasala 23 delegata, osam delegata je bilo protiv, a 12 delegata je bilo uzdržano;

- Amandman III - jer je za glasao 21 delegat, šest delegata je bilo protiv, a 16 delegata je bilo uzdržano;
- Amandman IV - jer su za glasala 24 delegata, devet delegata je bilo protiv, a 11 delegata je bilo uzdržano.

Segmedina Srna Bajramović je izjavila da odustaje od daljnjeg izjašnjavanja o amandmanima.

S obzirom da nije bilo konsenzusa među delegatima iz Srednjobosanskog kantona, o tome da li ostaju pri amandmanima koje je podnijela Skupština Srednjobosanskog kantonima, o njima se Dom naroda nije izjašnjavao.

Osman Ćatić i Edim Fejzić odustali su od podnesenih amandmana.

Predsjednik Kluba delegata hrvatskog naroda je, u ime Kluba, izjavio da od podnesenih 17 amandmana Klub odustaje od 15 ali da traži da se Dom izjasni o dva amandmana - o amandmanima V i XVII.

Na osnovu rezultata glasanja, predsjedavajuća je konstatovala da Dom naroda Parlamenta Federacije Bosne i Hercegovine nije usvojio Amandman V Kluba delegata hrvatskog naroda jer je za glasalo 27 delegata, 12 delegata je bilo protiv, a osam delegata je bilo uzdržano.

Aner Žuljević, uz podršku dva delegata, izrazio je sumnju u rezultate glasanja te je sekretar Doma naroda, Izmir Hadžiovdić, izvršio poimenično izjašnjavanje.

Na osnovu rezultata poimeničnog izjašnjavanja, predsjedavajuća je konstatovala da je Dom naroda Parlamenta Federacije Bosne i Hercegovine, sa 28 glasova za, osam glasova protiv i 13 uzdržanih glasova, usvojio Amandman V Kluba delegata hrvatskog naroda.

Predsjednik Kluba delegata bošnjačkog naroda, Osman Ćatić, uz podršku dva delegata, izrazio je sumnju u rezultate poimeničnog izjašnjavanja te je sekretar Doma naroda ponovo izvršio poimenično izjašnjavanje.

Na osnovu rezultata ponovnog poimeničnog izjašnjavanja, predsjedavajuća je konstatovala da je Dom naroda Parlamenta Federacije Bosne i Hercegovine, sa 30 glasova za, šest glasova protiv i 13 uzdržanih glasova, usvojio Amandman V Kluba delegata hrvatskog naroda.

Predsjedavajuća je, zatim, pozvala delegate da se izjasne o Amandmanu XVII Kluba delegata hrvatskog naroda i, na osnovu rezultata glasanja, konstatovala da je Dom naroda Parlamenta Federacije Bosne i Hercegovine, sa 30 glasova za, šest glasova protiv i 10 uzdržanih glasova, usvojio Amandman XVII Kluba delegata hrvatskog naroda.

Prije glasanja o Prijedlogu zakona o penzijskom i invalidskom osiguranju, Domu se obratio premijer Federacije, Fadil Novalić.

Na osnovu rezultata glasanja, predsjedavajuća je konstatovala da Dom naroda Parlamenta Federacije Bosne i Hercegovine, nije usvojio Prijedlog zakona o penzijskom i invalidskom osiguranju, jer je za glasalo 16 delegata, 21 delegat je bio protiv, a 11 delegata je bilo uzdržano.

Izražena je sumnja u rezultate glasanja pa je sekretar Doma naroda, u skladu sa članom 113. Poslovnika o radu Doma naroda, izvršio poimenično izjašnjanje.

Na osnovu rezultata poimeničnog izjašnjanja, predsjedavajuća je konstatovala da Dom naroda Parlamenta Federacije Bosne i Hercegovine, nije usvojio Prijedlog zakona o penzijskom i invalidskom osiguranju, jer je za glasalo 17 delegata, 24 delegata su bila protiv, a devet delegata je bilo uzdržano.

## **5. Prijedlog zakona o energijskoj efikasnosti u Federaciji Bosne i Hercegovine**

Predsjedavajuća je podsjetila delegate da su na Prijedlog zakona o energijskoj efikasnosti u Federaciji Bosne i Hercegovine amandmane podnijeli: Dario Pušić, Klub delegata hrvatskog naroda, Ivo Tadić i Mirko Batinić.

Vlada Federacije dostavila je izjašnjenje u kojem ne prihvata amandmane Darija Pušića, Kluba delegata hrvatskog naroda i Ive Tadića.

Amandman I Mirka Batinića se prihvata dok se Amandman II ne prihvata.

Ivo Tadić je izjavio da će, ukoliko amandmani I i II dobiju potrebnu većinu, odustati od ostalih amandmana.

Na osnovu rezultata glasanja, predsjedavajuća je konstatovala da Dom naroda Parlamenta Federacije Bosne i Hercegovine nije usvojio:

- Amandman I - jer je za glasalo 20 delegata, 14 delegata je bilo protiv, a 15 delegata je bilo uzdržano;
- Amandman II - jer je za glasalo 19 delegata, 11 delegata je bilo protiv, a 19 delegata je bilo uzdržano;
- Amandman III - jer je za glasalo 20 delegata, 10 delegata je bilo protiv, a 17 delegata je bilo uzdržano.

Ivo Tadić je odustao od daljnjeg izjašnjanja o podnesenim amandmanima.

Mirko Batinić je odustao od Amandmana II.

Klub delegata hrvatskog naroda je tražio izjašnjanje o Amandmanima I i II, a od ostalih je odustao.

Na osnovu rezultata glasanja predsjedavajuća je konstatovala da Dom naroda Parlamenta Federacije Bosne i Hercegovine nije usvojio:

- Amandman I - jer je za glasalo 18 delegata, 12 delegata je bilo protiv, a 18 delegata je bilo uzdržano;
- Amandman II - jer je za glasalo 17 delegata, 12 delegata je bilo protiv, a 15 delegata je bilo uzdržano.

Dario Pušić ostao je pri podnesenim amandmanima.

Na osnovu rezultata glasanja predsjedavajuća je konstatovala da Dom naroda Parlamenta Federacije Bosne i Hercegovine, nije usvojio Amandman I, jer su za glasala 23 delegata, 15 delegata je bilo protiv, a 11 delegata je bilo uzdržano.

Poslije glasanja o amandmanu I Dario Pušić je odustao od ostalih amandmana.

Dom se, zatim, izjasnio o Prijedlogu zakona.

Na osnovu rezultata glasanja, predsjedavajuća je konstatovala da je Dom naroda Parlamenta Federacije Bosne i Hercegovina, sa 30 glasova za, devet protiv i devet uzdržanih, usvojio Prijedlog zakona o energijskoj efikasnosti u Federaciji Bosne i Hercegovine.

Budući da je Vlada Federacije prihvatila Amandman Mirka Batinića, potrebno je da se Predstavnički dom, također, izjasni o Amandmanu koji je postao sastavni dio Prijedloga zakona.

#### **Amandman glasi:**

U članu 43. stav 3. mijenja se i glasi:

„Pravna lica iz stava 1. ovoga člana dužna su svake godine, u prvih pet godina, od stupanja na snagu ovog zakona, instalirati najmanje po 8% individualnih mjernih uređaja krajnjim potrošačima energije od ukupnog broja krajnjih potrošača energije, a zatim svake sljedeće godine po 12%.“.

### **6. Nacrt zakona o turizmu Federacije Bosne i Hercegovine**

Na osnovu rezultata glasanja, predsjedavajuća je konstatovala da je Dom naroda Parlamenta Federacije Bosne i Hercegovina, sa 44 glasa za i tri glasa protiv, usvojio sljedeći

#### **ZAKLJUČAK**

1. Dom naroda Parlamenta Federacije Bosne i Hercegovine prihvata Nacrt zakona o turizmu Federacije Bosne i Hercegovine i smatra da može poslužiti kao osnov za izradu Prijedloga zakona.
2. Zadužuje se Vlada Federacije da organizira i provede javnu raspravu u trajanju od 90 dana u skladu sa procedurama predviđenim u Ustavu

Federacije za donošenje zakona iz zajedničke nadležnosti federalne vlasti i kantona.

3. Zadužuje se Vlada Federacije da prilikom izrade Prijedloga zakona ima u vidu primjedbe, prijedloge i sugestije iznesene na sjednici Doma naroda, kao i one iznesene u okviru javne rasprave.
4. Zadužuje se Stručna služba Doma naroda Parlamenta Federacije Bosne i Hercegovine da ovaj zaključak i Nacrt zakona o turizmu Federacije Bosne i Hercegovine dostavi kantonalnim skupštinama radi davanja mišljenja u roku od 60 dana.

## **7. Nacrt zakona o sigurnosti i zaštiti na radu**

Na osnovu rezultata glasanja, predsjedavajuća je konstatovala da je Dom naroda Parlamenta Federacije Bosne i Hercegovina, sa 44 glasa za, dva protiv i jednim uzdržanim, usvojio sljedeći

### **ZAKLJUČAK**

1. Dom naroda Parlamenta Federacije Bosne i Hercegovine prihvata Nacrt zakona o sigurnosti i zaštiti na radu Federacije Bosne i Hercegovine i smatra da može poslužiti kao osnov za izradu Prijedloga zakona.
2. Zadužuje se Vlada Federacije da prilikom izrade Prijedloga zakona ima u vidu primjedbe, prijedloge i sugestije iznesene na sjednici Doma naroda.

## **8. Nacrt zakona o boravišnoj taksi Federacije Bosne i Hercegovine**

Na osnovu rezultata glasanja, predsjedavajuća je konstatovala da je Dom naroda Parlamenta Federacije Bosne i Hercegovina, sa 41 glasom za, četiri protiv i jednim uzdržanim, usvojio sljedeći

### **ZAKLJUČAK**

1. Dom naroda Parlamenta Federacije Bosne i Hercegovine prihvata Nacrt zakona o boravišnoj taksi Federacije Bosne i Hercegovine i smatra da može poslužiti kao osnov za izradu Prijedloga zakona.
2. Zadužuje se Vlada Federacije da organizira i provede javnu raspravu u trajanju od 60 dana.
3. Zadužuje se Vlada Federacije da prilikom izrade Prijedloga zakona ima u vidu primjedbe, prijedloge i sugestije iznesene na sjednici Doma naroda kao i one u javnoj raspravi.

**9. Prijedlog odluke o davanju saglasnosti na Plan rada i razvoja Zavoda za transfuzijsku medicinu Federacije BiH za 2016. godinu, Plan rada i razvoja Zavoda za transfuzijsku medicinu Federacije BiH za 2016. godinu sa Odlukom o usvajanju Plana od Upravnog odbora Zavoda, broj: 01-1-390/16 od 18.1.2016. godine, Zaključak Vlade Federacije,**

Na osnovu rezultata glasanja, predsjedavajuća je konstatovala da je Dom naroda Parlamenta Federacije Bosne i Hercegovina, sa 34 glasa za, četiri protiv i osam uzdržanih, donio Odluku o davanju saglasnosti na Plan rada i razvoja Zavoda za transfuzijsku medicinu Federacije Bosne i Hercegovine za 2016. godinu.

**10. Izvještaj o izvršenju Finansijskog plana Zavoda zdravstvenog osiguranja i reosiguranja Federacije BiH za 2015. godinu (konsolidovani);  
Izvještaj o izvršenju Finansijskog plana Federalnog fonda solidarnosti za 2015. godinu (Anex I);  
Izvještaj o izvršenju Finansijskog plana Stručne službe Zavoda zdravstvenog osiguranja i reosiguranja Federacije BiH za 2015. godinu (Anex II)**

Na osnovu rezultata glasanja, predsjedavajuća je konstatovala da je Dom naroda Parlamenta Federacije Bosne i Hercegovina, sa 36 glasova za, četiri protiv i šest uzdržanih, donio Odluku o davanju saglasnosti na Izvještaj o izvršenju Finansijskog plana Zavoda zdravstvenog osiguranja i reosiguranja Federacije BiH za 2015. godinu (konsolidovani), Izvještaj o izvršenju Finansijskog plana Federalnog fonda solidarnosti za 2015. godinu (Anex I) i Izvještaj o izvršenju Finansijskog plana Stručne službe Zavoda zdravstvenog osiguranja i reosiguranja Federacije BiH za 2015. godinu (Anex II).

**11. Izbor i imenovanja:  
Prijedlog Odluke o imenovanju Upravnog odbora Agencije za bankarstvo Federacije Bosne i Hercegovine,  
Rješenje o utvrđivanju Liste prijedloga za imenovanje članova Regulatorne komisije za energiju u Federaciji Bosne i Hercegovine**

Na osnovu rezultata glasanja, predsjedavajuća je konstatovala da je Dom naroda Parlamenta Federacije BiH, sa 29 glasova za, sedam protiv i 10 uzdržanih, donio Odluku o imenovanju Upravnog odbora Agencije za bankarstvo Federacije BiH kojom su za članove UO imenovani: Ljerka Marić, Meliha Bašić, Samir Bakić, Želimira Raspudić i Velid Efendić.

Na osnovu rezultata glasanja, predsjedavajuća je konstatovala da je Dom naroda Parlamenta Federacije BiH, sa 39 glasova za i pet uzdržanih, donio Odluku o imenovanju članova Regulatorne komisije za energiju u Federaciji BiH kojom su

za članove imenovani: Jasmin Bešo, iz reda bošnjačkog naroda na mandatni period od pet godina; Sanela Pokrajčić, iz reda hrvatskog naroda na mandatni period od pet godina i Mile Srdanović, iz reda srpskog naroda na mandatni period od pet godina.

Sjednica je završena u 15:28.

\* \* \*

Transkript sjednice čini sastavni dio Zapisnika.

SEKRETAR

Izmir Hadživdić

PREDSJEDAVAJUĆA

Lidija Bradara